







何求老人詩稿目錄

萬感集

共四十八首

張張集

共一百三十二首

夢覺集

共八十六首

真臘凝寒集

共三十五首

目錄



零星稿

共一百零四首

東將詩

共二十七首

欬氣集

共二十七首

何求老人詩稿萬感集

東莊襟詩

山水各宗支結構分百脉向背意態殊風土曰之隔於人何親踈
造意成主客昔我避亂初小築公山側百家飲一泉鄰果任飽喫
人面或萬狀性情無兩格古姓聚為村樵採多叔伯午後始開門
槐花深一尺

引水植林木踈密還自然人力所不至亦各任其天黃熊治水土
至今大更遷陰濟竟伏流河尾掉淮堧西折若木枝東挂扶桑顛
天地且縱橫聖賢已無權

萬感集

老樵不謀隱所居本自高名士矯清節恐無松柏操仕宦有捷徑
無乃終南臯幅巾躡芒鞋廣袖何蕭颯肝膈終夜熟徘徊理鉛刀
入拜朱門旁出為蓬戶豪但能飽味噍寧復矜羽毛有勅放還山
頓首危露尻臣非首陽儉安能長噉書往長樂公其門多汝曹
跛者命在杖渡者命在舟人生依萬物得失不自由有愁何以消
客或進一葛謂客酒可忘吾愁非真愁痛飲難至醉不入伶藉傳
此酒有時醒此愁無時休

截竄作農具云是古人重去我數百年樹藝與我共想其灌溉時
豈為今日供扶踈屋有陰桔槔田有壅取舍固不同亦各適其用

灑酒報九原感君為我種

微寒盡餘威園林納新意品類紛有名皆從上古至我生與萬族
衣食各生智鳳皇啄琅玕鴟鼠甘糞利當其經營中了不異人意
苟為易地謀兩相唾棄鬱成都桑勞有深義自非天下才
此事良不易常恐時數來便令負斯志妻織兒勝鉏悠然足高睡
巢許薄四海商賈論隻錢自利同一私意趣冰炭然擾衢路子
肩背爭後先朝結王侯襪暮接公府鞭但聞心血枯不知脚踝酸
賤士勿感嘆身貴心不堅

良晨登高閣重林向我開魚鳥各有歸生民安遠哉黃虞諒不作
萬感集

詩書成土灰孔父譚仁義期其萬一曰聾者自不與豈能廢神雷
東海老儒歌哭出萬萊其樂有餘樂其哀有餘哀
村子雅好事拔桑種桃李自非古者情特為老艸使把菊擬陶公
片荷說周子昔人千載存荷菊豈與此一露滴枯桐此心真不
獨樹不求伴月輪浩歌行寥々亘今古天地無柔情放步入曠野
秋旻何崢嶸惻惻同一色微物安得爭群蟹委哀運哀吟竟何成
我轍尚可返我廬尚可營鷄犬識親疎俟我出柴荆自非淮南王
誰使汝長生

園林早秋

池館莽蕭森遙天起夕陰樹生窮老意燕發別離心病骨蘓先覺
愁腸割更深一聲空外至記得去年砧
可怪傾歌壁堅牢伏薜蘿貧家秋事少破屋夜散多雨斷一蟬弄
月斜雙蝶過故人書近絕不復報如何
爽氣朝來迥西園景愈清鷺翻黃荻影鴈落碧梧聲輕薄葛衫見
疎離竹簟生尋常看節序不似此傷情
面槁驚風厲意虛曉更吹霜禽號異域露葉泣非時遇物皆成嘆
為心那不悲小樓深閉却莫遣早秋知

亂後過嘉興

茲地三年別渾如未識時路穿臺榭礎井汲髑髏泥生面頻驚看
鄉音易受欺烽烟一帳望洒淚獨題詩

雪片降書下嘉禾獨出師儒生方畧短市子弄兵癡炮裂甃摧屋
門爭路壓屍縋城遺老入此地死方宜

生城臨陷徐虞求先

間有生還者無從問故宮殘魂明夜火老眼濕秋風粉黛青苔裡
親朋白骨中新來鄰里別只說破城功

秋日過孫子度

沿城秋事盡詩材自引殘身入向來糯酒便教三樣買菊花且莫
十分開榜門謝客蝎添字畫壁看岫點苔一段風流須記載水邊

破屋見傳杯

田家女

桔槔鳴遠林呶嚶散平楚田家惜人工踏車用寡女但愁苗葉乾
豈問荒機杼天風刮骨寒尚有皮肉阻刀劔攢飢腸智勇不堪煮
隣里重婚姻遣媒相迎取寡女前致辭此事諒不舉生男馬前啼
生女馬上語馬頭各東西那得儂與汝棄捐耳上環寧復作男使
男歿倚道傷女死不知所

劍客行同念恭兄作

造劍華山巔淬劍蜀江水幼子精靈碧鞘中老妻粉黛紅爐裏利

器有神人有術兩者無形煉成一閩河往返只黃昏都市報施仍
白日肝膽粗豪心計深計一唯喏遲疑功驗疾仇讎仍為匹夫謀生
殺不由天子出從來喜聽盲史遷我亦求之二十年鷄偷狗盜頗
不少自云劔術終無傳荆軻論刺彼何有曾令秦王環柱走咸陽
殿上今何如却笑荆軻劔術疎生殺不由天子出後半首一本云一軻匣底發奇功千古人間稱至
騰長空斯人安在物亦
公貨殖行藏兼盜賊神仙李閻雜英雄側身四望天化赤龍蟠繞澄潭下

寄秦開之先生

芳華理難再及此秋色暮回首已知非逡巡已如故憶昔少且狂
飛動過狡兔汗漉制科書低頭歎櫛句細于蒼蠅散輕于薤上露

累墜及牛腰無非速朽具人心忽異類成群畔傳註罔畏聖人言
充塞仁義路以此相感名陽窮氣凝沍舉鞭駟腐儒挽舟向南渡
夙昔或引領今日復何怒愍予當甲申赫去少所作聖處莽未窺
意已薄詞賦迄今忽十年俯仰慚師傅昨歲嬰禍患刀鋸頗無怖
不謂重留流連愈滋後歎懼弄筆染墨丸徒為食書蠹曦輪沉東
溟安能老巢務

見釣者

老漁倚棹黃蘆根細香和餌絲作綸無邊春色杳何處日暮烟生
知有人持竿終日無所得白鷺啣魚隔江食風掃楊枝入釣船滿

溪愁殺桃花色我來行吟一問之太息老漁不解詩我向君覓身
佳句君坐詩中不自知

季臣兄卧病欲荒園

一池橫截小橋通屈曲危欄倚放翁兄自號天放翁客散自從金盡後夢歸

常在酒醒中孤雲擁壽為頭白落日啣山鶴頂紅便可此間輕負

俗閉關羞說出門功

兄弟聯翩選一門當時佳伯友芳園兩伯祖與祖園互為榜友那看荆棘銅駝影又

哭冬青杜宇魂祖父豈知新室臘兒童還記義熙元殘身直與天

心忤躑躅吞聲不敢言

池上草堂新水生靜容閣畔喚流鶯水生草堂靜容閣園中北岸十年臺榭渾春夢三

月風花抵太平夾道曉星懷北闕橫江夜雨想南京兄以徽儒入燕都宛時馳驅江上孤臣

剝有沈瀾淚臥聽悲笳時一傾

三徑從今便欲荒翳然林木近濠梁翳然閣在南岸天涯戰伐聞人說海內

仇讐舉世忘畫壁自摹真故土酒杯終放即它鄉可憐老令飢駘

使強向人間乞稻梁

東莊閒居貽孫子度念恭兄

大地無宮闕羞稱山澤臣未能言決絕直以戀交親海霧留烟客

江雲傍路人近傳深谷裡猶戴穀皮巾

日月村中沒山河磧外遷一邱猶故物百歲亦殘年
奴橘輸輕絹姑榆落小錢養生心計拙無賴向桑田

手錄從子諒功遺稿

北向當年一半遺書成涕淚欲何為甲申以後山河盡留得江南
幾首詩

過仲音兄邨居

棄置舊池閣來從茅屋居命奴收落葉課子理殘書
官豈朝廷罷身猶死喪餘杖藜還嘆世那敢賦歸歟

兩子先成長能文粗足觀預思渠輩事遙當太平看
亂逼乾坤窄

愁牽歲月寬不知村路裏何以慰荒寒

小徑泥封竹虛堂石挂蘿病愁賓客滿貧覺子孫多
邱壑聊如此兵戈奈爾何平生幾種意今日慎風波

看張鈿庵種菊醉歌

亦頗愛看花而無種花性看花必種花是為蒼便令看蒼種花同
此心情至為痴懶為病鈿庵先生老益痴今年種菊滿東籬芙蓉
芍藥安足數西施寶相無新姿河南舊樣高一丈松江細種貴低
枝三枝相當葉相連鈿庵裁剪自有權花列名高命亦薄六月不
雨地欲然赤脚抱瓮口生土拂露驚者小赤虎髮卷甲脫太瘦生

傳說先生種菊苦花魂初返嬌無力草堂一夜開顏色遮莫西風
澈骨吹從來至性迎霜得感君知予愛花人酌酒看蒼懶亦頻
影淋漓上高壁燈花搖曳寫天真近枝深黑遠枝淡正葉側葉無
一勻隨手變相好粉木墨痕狼藉猶鮮新鈿庵大醉謂呂五憑君
舉似安比倫積水空明橫荇藻此語差足傳其神我聞宋時寫生
手徐熙之後黃荃好一枝半節生意全鈞金疊色得未有國朝名
紀守古法意態狂落窠白江南只有陳白陽天然爛熳恣顛狂
花無輪廓幹無骨縱筆所至聞空香氣韵生動六法備一洗書院
博士方兒子繼起亦神駿不若浙東徐文長此君腹有數卷書所

以下筆人不如酒酣痛哭東海上掉臂落紙何扶踈士不得志鬱
拂死此花今始直錢矣請挂家歲寒菊圖壁上庭間誰得似

晝寢

萬不堪煩事當窓虛復清避人知太古入夢見平生小雨荷錢受
微風竹箭爭起看雲漏影壞壁夕陽明

送子度遊吳門

故國皆殊域他鄉豈遠行詩囊隨路拾粉本繞山成濃翳湖邊屋
低帆柳外城漁榔與僧磬夜泊最閨情

掃徑一為別開門曰予歸偏於出入處憶得友用稀菱浦浮鷗破

菰田宿鷺飛知君興逾好只是惜離違
笠澤吾亡命苕溪播遷天生種秫耦人欠買山錢詩畫難論價烟
波小結緣歸來休問信且復對床眠君

清池庵晚步

杖履恣所適清流照一身石稜留月穩松蓋受風勻犬病時捫蝨
魚痴不識人亂餘難見此便欲買比鄰

秋行

用竭芒鞋力穿畦又遠籬古村只數姓社廟各分支風俗暗相易
衣冠漸見疑因思管仲父是汝論功時

留別社中諸子

霧雨連吳越真成浩蕩遊孤花明野壁歸鳥息扁舟艸跡隨人遠
江潮帶客流諸君能見憶一為望茅舟

登句曲崑靈閣

傑一作閣松檝滿四鄰輕烟初散颺微一作塵孤城市罷門常閉古寺
樓高山自漸親海內六年多難日江南千里未歸人同遊錯會凭
欄意笑指三茅好振春

春去與子度

倚樓猶著木棉衣蒲柳陰深已合圍春自全身潛引去花殊強項

不同歸醉來那記禽散變行處旋驚艸徑非太息世間真賞絕風
光流轉莫相違

子度歸自晟舍以新詩見示

紅羅真人起長濠東南兩鬼從遊遨兩鬼者誰宋與劉一返大雅
追風騷青田奇韻得未有入手雷霆出科斗金華學更有淵源寢
食六經語不苟白沙瓣香擊壤吟定山別鼓無弦琴可憐一墮楚
狐窟入鍛烟流成藥金依口學舌李與何印板死法苦不多濫觴
聲調稱盛唐詞場從此謔傳謔七子叢興富著作沙飯塵羹事剽
掠攀龍無忌恣欺狂世貞拉襟言博景陵兩僉矯此弊不學無術

惡其鑿至今流毒各縱橫呌呌吾聚族爭雲間未已西陵起一
吠百和迷形骸古來骨朽不能言夜臺魂嘯天何乎寃音以彈歌
長已矣千秋萬世那可論吾有左友容菴氏古今詩格何所比漢

魏六朝唐宋元偶然落筆某、侶昔年從子從君遊學詩學杜學
夔州爛熳東坡與放翁指端歷、有源流因嘆容菴真博雅腹中

多書手瀟洒我輩時人那得知外間藉、何為者去春抱硯行吳

門吳門派作雲間孫西陵繼雲間今吳南又繼西陵矣吞聲急返故園棹到家自喜舌尚存

乞食今投茗雪裡苦吟夜咽昏燈底詩成老畏徃生看巾箱小本

側理紙竭來携示大于筥開窓細讀胸欲洞韵脚流轉法度新下

字清嚴卒難動驚君一變頓改觀君云此事非所難與子相期更有在寧能老死弄墨丸嗟乎孫子空悲哀今何時牧生此才疇昔天帝嗔兩鬼洩漏造化成嫌猜何時作伴逐遊戲結璘鬱儀子歸去來

放雪猫

比鄰乞女奴體異毛鬣體具虎豹微力過猿獠捷持歸拜鷄犬
悉使情相命名曰雪精臥起擬婢妾盤食奉養尊魚蝦恣漁獵庖
厨固所司亦賴守筐篚羊質蒙羣比小勇大敵怯不敢搏飛鼯頗
善捕遊蝶主人一長嘆皮相終不悞留爾傷群生安能建功業棄

置大道旁歸者鼠踪躐

接

友人示與季成兄倡和稿感賦

故人惠示論文詩長跪讀之雙淚垂宿艸友生猶痛哭連枝兄弟
忍相思十年遊俠千金盡九世仇讐一劍知為問門前車馬客還
能杯酒憶當時

凡破家結客座上常滿及難舟過所
最厚者慶之亟去病甚無一顧者

孤山道士余體涯乞募大滌依韵答之

把茅大滌久尋思寄示菴圖興更痴但使春城堪乞食不須華表
問歸期醮壇夜靜鶴鷓哭行殿秋寒蝙蝠知他日吾從方丈老滿
山峭壁讀君詩

自題星書

退之日次玄龜首坡老身居磨蝎宮簡點平生無一似如何也直
斗牛中

題白虹硯

但有虹貫日竟無軒入秦可憐易水上愁殺白衣人

何求老人詩稿張張集

餘姚黃晦木見贈詩次韵奉答

吾頭猶戴已殘身子袖相攜亦點塵遠抱研山尋北固偶隨流水

過西鄰井中史在終難滅壁裏書傳豈易湮今夜草堂占氣象星
光劍氣搃非論

季臣辛卯便仙遊猶子成仁十四周為痛念恭心輒碎更思子度
涕嘗浮生絕少壯成孤影哭向乾坤刺兩眸莫謂衰顏甘退舍頭
顛三十已堪羞

贈鄞高旦中

張張集

病中驚寤鼓峯來伏枕呼兒候百迴直是君過消息大非閑人靜
夢魂開不離老友成奇跡偶論醫方見異才坐計耦耕猶未得賣
文乞食總堪哀

女兒偏識伯休名市子徒知義宋清豈道君行全餓友反令世上
活蒼生五更星餘傳清磬十月霜橋傷小成蒿地愁來麾不却者
雲步月便多情

讀書種子苦難逢大半耗磨向老窮未必古今真不及只看吾友
豈無同聰明自到支流處位置難安方技中歲月漸多人漸少地
爐畫得灰紅

贈餘姚黃太冲

山烟海霧事何成頭白歸來氣未平黨藉還憎吾子在詩文偏喜
外人爭亂雲瀑布尋書院細雨輕帆過舊京此去茅簷休凍死由

將筆舌掃妖槍

時太冲遊
靈山歸

絕學今時已蕩然與君一論真詮神宗以後難為史劉子之徒
早失傳洛下久忘加倍篋燈前細語五宗禪閉門正有商量在春
水遙迎江上船

同晦木旦中宿黃復仲表兄山堂不寐

矮屋霜濃透骨寒擁衣夜坐話間闕年々但覺去年好處々無如

此處閒難遇短天長似歲不堪細事大于山野鳥啼罷窻櫺日照見疎簾古淚斑

次韵和黃九烟民部思古堂詩

隨地堂懸思古額問君翹首思何人空城不返青衣主大澤猶存雪窖臣驅去那容玉處窟贖來難得百其身相公今日還僥倖省識邗婆夢裏春

躍馬誰當據要津騎牛何處會真人閉門甲子書亡國闔戶丁男坐不成臣黥卒敢爭莖豆食髡鉗未許漆塗身縱然不似冰霜下到底難迴幕北春

二月江南柳正新折來絕塞送行人黃金臺下止歸客青海灘頭賣國臣落日清笳催牧馬當時便殿乞苗身隨它水草時相傍不見王孫故國春

絕域難憑消息真尺書到日尚為人穹廬每舉蕪通國遠道時逢鄭虎臣任尔循環微躡足倩誰荷鍾活埋身汝曹亦復能思古艾席葭牆處：春

先生思古真奇絕思到從前無古人投足盡為天蓋墊舉頭敢告地行臣此鄉莫謂非吾土大患元知在有身自是閩南皆柳色從教割絕玉門春

同黃九烟黃晦木黃復仲高旦中萬貞一飲西湖舟中招謝
文侯畫像分韻

黃霧瞳矓白日昏輕舟破凍舉清樽共驚人面如湖面不是霜痕
即雪痕烏帽紫衣誰更好尋刀覓鏡我無言畫成不怕山霧笑
兩岸蒼崖石髮髯

湖山本作畫圖誇畫裏為圖興正轉加豈是塵埃難物色誰從冷
淡覓生涯客頭雪陷尖鋸出水面冰開破鏡斜欲起犁眉問消息
東南還發舊雲霞

黃九烟以奇才吟見贈歌以畬之

壬辰湖上逢老杜謂我酷肖閻古舊年城北遇太冲又云畧似
沈崑銅今年邂逅黃進士更比泗州戚緩耳崑銅意氣頗豪麗在
左絲右壺我不如太冲云曾遊廬山有人夜哭五老間忍辱仙詩
又手得出以示我失顏色不知戚生何許人黃公稱嘆幾絕倫我
本為人在中下一以為牛一為馬諸公意中自有為擬人亦各依
其類人心不同假如面仲尼陽虎猶相眩但就意中取一端虎賁
可作中即觀泗州有塔有戚生君與二者為將迎戚生人物未暇
計君詩云：儘奇致此地如何得此才嗟爾道遠胡為來君謂吾
才如戚奇雖無寶塔人兼之自頌不寧羞寶塔亦復汗君賢戚理
張張集

奇才滿地多如麻如留良者斗與車君雖有腋不過兩安能盡扶
奏天上吁嗟乎崑銅已歿古々逃我今何處求其曹寶塔不移威
生遠誰復與君相繾綣君仍流離我曷促孔雀不知牛角觸我還
壁立君遽廬白龍魚服困豫且不如飲我酒唱君歌與天同醉亦
同醒天其奈此兩狂何

晦木將之金華次韻送之

浙河西去萬山幽振拖牽桅上逆流只可神僊稱福地那堪窮餓
作閒遊拙于乞食陶彭澤老尚依人劉豫州路過西臺休繫纜客
腸易斷况逢秋

南陽村舍儘清幽久擬同心結隱流怪底每遲江上約無聊又作
洞中遊但令吾盍儲餘粟豈使君船到遠州努力歸期烏石子三
人明月話中秋

同黃九烟陳紫綺陳湘殷吳益舉諸子集東莊梅花下聯句
醉歸仍分賦五首

嫁得南陽老何如處士才池荒却月鏡壁立避風臺隣曲尋常見
闌干次第來龐家賓客慣襟坐莫相猜

似曉伽神女生香非鼻聞坐深忘爛熳空際覺氤氳日炙枝々透
風篩樹々分咨嗟誰獨切只有鮑參軍

增置看花局新租載酒船樹梢分綠水籬落刺青天處子肌膚削
先生幕席穿南隣多覓伴出飲便經年

鐵石心腸在風流賦更高何須招楚些直欲反離騷點染西州艷
侵陵東閣豪英雄尊酒滿近不數劉曹

勝事催浮白名花界蔚藍詩聯強韵過酒戲暗闌揆遠隴遲消息
低簷索笑談殘魂迷嶺外春夢繞江南

真進士歌贈黃九烟

仕宦重科目莫與進士比進士爾何能：作八股爾其中并多不
能者一行作吏無須此三百年中幾十科：數百人印纍：如今

知有幾人名大約盡同螻螻死人言螻螻可憐虫吾言凶惡比虎

兇謹具江山再拜上崇禎夫婦伴緘脫崇禎末有畫儀狀云謹具大明江山座崇禎夫婦
二春申替敬晚生文殷頓首拜昭朝堂齊憤時嫉

意解者云彼多小官寧使餽遺列副狀不知持囊挈榼皆此曹雖

不與名寔相餉此曹面目人：殊吾今畧得悉教之胸着不滿芝

麻鏡鑑句讀不斷打油詩一自分符試縣郡便漫天眼剝地皮善

事上官及權貴好官得錢恣我為亦有假廉徼初意依傍門戶求

吹噓欲取故與祖機智後來貪黷無人疑顏衣滿道盜滿谷吏部

年：轉資祿萬金欽取入臺垣千金行取亦部屬幾遷幾擢幾州

陷一轉一陞一路哭笑指銅駝卧荆棘直是過眼之雲烟歸仍不

失富家翁出仍不失說事錢官仍不失士夫體私仍不失熟客緣
出我當時阿堵物利市三倍幾十千天下空多閒笑罵人生須有
好園田君不見伯顏已至臨平市臯亭山下青烟起臨安猶自輦
黃金甲科榜中買姓氏初疑此計太痴顛事後方能悟其旨大元
法度儘寬仁猶得例稱前進士以今較之若合符持籌握算皆其
徒其徒所憎有數種第一最憎孔孟儒：來輒敗乃公事安得橫
才鑄十鑑其次大部線裝書讀之令人發狂迂坐使後生失儂巧
不肯抄掇從時趨其三同年友僚舊一見便湏勅中厨若復痛飲
且善噉所入不足供屠酤其四憎好詩辭者文字之禍多連枝支

靡石 若不巨自恨昔曾識之無其五貧士尤可憎來非乞食定
貸逋見之先當道貧若若待開口難支梧凡此數者所深惡鍾山
黃公一身具况復叩門拙言辭以是十往九不遇怪尔亦曾同出
身進士當存進士度行湏張蓋坐華堂胡為撇躡走霜露餓死杜
甫窮死韓維有高名何足慕終朝屹：哦不已此事亦非貴人作
大字那作儉父顏草字那學老獠素自古書足記姓名安用蚓蛇
滿紙汙匣中私印不過兩上記官府下租賦雕虫小技古所恥底
事諧聲考轉注先生善書及篆印好求神仙山水窮荒有何好神仙多為藥所誤君今
好奇入膏肓不治烟霞泉石痼聚徒教授昔雖多自是腐儒死章

句煌、進士乃為此縉紳顏面俱黜聖子弟已去偽朝久自有辨
書何用故時先生欲設講肆于里中聞君當時在戶曹美哉主守多錢刀肯如吾輩小
放手雖不敵國亦作豪變名竄跡徒自苦大家豈復有吳臯生更名金路號
非覓就居無者恨君不讀長樂傳試飲一杯者一段五朝八姓十一帝達人
應作如是觀善哭莫如晞髮子其後式微豈長算君既盡失臺閣
體豈可尚作進士喚我聽此語一沾巾如君進士方為真請者寶
祐四年榜六百一人何麟、宇宙只存文陸謝其餘五甲皆灰塵
今日有君便無彼那得命彼不發嗔如君進士方為真天下紛、
難立身半非畧似君尚云此曹豈復堪為人

人日同黃九烟飲

鷄狗猪羊馬復牛排來件、壓人頭此曹更以儒為賤吾道原無
食可謀何用竿邊者日影且從杯底探春愁一談一笑閑休咎慎
莫題詩寄遠州

穀日又同飲

貧家無地亦占天此日陰晴管一年甕底剩傾過節酒陌頭新笑
上工錢例于晨日起工作老妻治餅催春早穉子糊燈待月圓痛飲苦吟俱不
惡連連朝已當地行仙

喜吳益舉至東莊看梅

何處看花早南枝勝北枝欣當初霽日佳在半開時粉本池中池
得宮妝石上知莫訊人寂々列竹記新詩

不是揚州廨江楫亦屬官僧間尋物供鄰厚借人看曲逕開旋廢
踈籬補未完儘教攀折好高髻壓團欒

送晦木東歸次旦中韻

東西南北莽招魂誰遣巫陽下九門共笑窮愁頻舉子君歸娛老
好添孫鄉心逐步看山影別恨沿江記水痕莫忘驛橋南畔約榴
花開日到荒村

夏日集飲水生草堂限韻

日沒城西影極東玲瓏穿過樹梢紅枉判我輩生今日豈少閒人
醉此間中淺閣燈明魚潑刺小槽曲誤客冬烘凭欄四顧蒙茸處
纔上冰輪便不同

過西錦董雨舟次太冲韻

雨長菱蒲沒淺沙推蓬直到故人家泥塗行竈晴縑繭雨打薰_{一作}
籠夜焙茶筆倚研山經白網刀懸土壁鋪黃花艱難鹵莽通盤笑
始悔從前下子差

寄黃九烟

聞道新修諧俗書文章賣買價何如_{時在杭為坊人著標官書}家願已捍笞奴杖_{一億忽}座

上時燒送鬼車圈鹿欄牛名字熟飯囊酒瓮語言疎短函封後無人寄愁殺相思華子魚

寄晦木次旦中韻

老筍高抽十丈身梓鬚榆筭萬條新忽聽格磔鉤輞鳥便記嶽崎

磊落人

晦木自號鸚鵡

弄子弄孫多亦累賣爨賣餅開仍貧懸知愁到難排處

惜不聽渠定憶臣

曾功晦木勿搗諸子歸聚食且務者約故云

城南執手訂端陽不謂猶然老是鄉山頂此時塗石綠街頭昨日

賣雄黃封題却寄松蘿樣烹試知添餅餌香奉供不多殊有意別

苗箸箸待來嘗

兀坐情懷迥不開只同一事想江東米錢長驗低昂月秋水乾愁早晚風歸便試蒸潄酒白來猶及看蜀葵紅報君休記梅山屋新換荒園小閣中

病髯狼狽又過前坐嘆行吟亦復然萬事攢心看白屋一時叉手

立青天家書乍讀成稀熟醫案多忘少貫穿安得床頭生兩翅消

磨今夜不能眠

原本中四句云脉語通波底月溶身坐水中天芭蕉綠盡心還卷揚柳青圓眼更穿早見而驚言昨夜聞鬼吟此四句不意乃兄詩也余思其隨鬼趣故更今句

倚牆倡和苦營思長頸彌明語益奇便擬署為蛩駉集只嫌猶欠

鷓鴣詩閒鈔宋律違時派自刻方書惱俗醫晝睡敲門應撫掌呼

兒撲被望西馳

飲涵山泉次韵會太冲

老甕年々不起苔乳泉無影馮磁杯
誰出尖酸語未到含山脚下來

騎火新茶解箸嘗沙鐺桑炭沸
穀長江東齒頰天然硬淬過寒泉
鐵也香

一窪石眼傍村流風味天生出一頭
已被東庄收拾盡頑山只合屬他州

太冲又以詩爭含山泉用韵再答

劉開山骨刻頑石苔不是尋常到
柘杯若與廬山強差別斷君未

飲谷簾來

山居老識山泉味乍見茶甌較短長
飲過含山西畔水歸憎家茗不生香

北源初到試新流品出頭網最上頭
不煮江西生艸子此泉只配享徽州

且中以詩解爭而實佐太冲再用韵答之

口中生土舌生苔浣滌惟須飲一杯
儘說姚江泉味好莫從葱嶺

帶些來

太冲極口餘
姚安化泉

水經休遣誤平章只飲他泉理亦長
肯颺家山真臭味傍它鼻孔

張張集

索空香

他泉在鄆

涓、續、自源流天外何須更舉頭睡醒芳甘苗舌本帶將一滴灑明州

至東莊次太冲韻

自家意思果何如只會窓前草不除休矣署門堅謝客欣然蔽席肯移居人間未定三朝史天下難分半部書急名梓人巧者計風風雨、薄遽隆

看宋石門畫朝川圖依太冲韻

銅盤夜落墨花細剡中老人愁不寐起挑燈杖寒焰生蹴醒共話

山居事山居布置當如何我有舊圖試展視三人額骨相支撐神遊其間如魘魅因嘆當時王右丞以較今日殊不類所以其詩爛熳音節和不似吾曹激楚叫顛顛孟城坳起至椒園逐段據圖合名位界畫屋宇鉤勒雲花蔚竹石一一從詩義或言爾時天生有理李郭草莽風流得不墜吾謂幸逢祿兒胸腹寬凝碧池詩略無忌今觀尺山寸蔚尚畫四五丈其中亭榭艇子帷帳几榻爐椀瓶罌研床書冊茶竈藥磴絃琴酒榼禪座變相賓客僮僕娛心樂志之其無不備不知思明跋扈迴紇貪殘百里內何以無兵至又况藍田沂渭間用兵正復秦隴自猶之遼海及荆襄萬曆末年崇禎

季此中豈容詩畫人出入攸往無不利憶我乙酉避亂初全身持
向萬山去銅鑪石鏡公山溪在臨安縣南與富陽桐廬諸山溪相連嶼轉灘開負奇致難無別
業比朝川化安烏石差無異萬馬搜山失脚來每閱此圖輒三喟
亂後流落經數家破屋贖歸幸郊始飢持質米寒質衣手爪楷模
落青翠願賣此圖還買山指天向人不相戲故事請得比研山海
嶽菴近甘露寺縱橫置屋數十間左右可容吾友寄此事但果鄉
亦豪百口豈甘為人累富者不應貧者笑把卷入門墮雙淚

吳孟舉示書畫用太冲韵

吳中骨董真奔固揣骨聽聲忝死句字畫從不論筆墨繡紙印識

傳師傅吳子好事乃鄙此爬羅捆縛致無數就我分考上下中予

值幾何亦并註第一研青裱宋箋審定枝山蹟無誤不同梅花十九

首蒸餅惡札假懷素祝書家多些種偽蹟
亦亦有卷亦其流也其次文衡山行楷印板子昂老骨

度兩卷相較祝書好頗勝爛熳湯碗賦每后亦壁賦寔
人每寫之磁碗冤誣雅宜及三橋

王百穀等目難寓閤門老一筆成更用香黛灰渲作六如小畫樣

本佳想其臨描苦綑布買骨且取熨昭意空群莫作伯樂願雖非

神物風雅存裝演慎勿抗匠付濃漿牢藉仰覆屋瓦啾々墨精叩

頭訢抗裱多用厚漿蠶折不堪尤易瓦裂難于重裝馮李張公聲
雅善此技維碎絹朽札能結縷補湊復還舊規亦神品也

懷四明高辰四次太冲韵

不面非閑草翳遮海門潮截亂山斜月當天上心情共雨過江來
時刻差割盡芝蘭存末利換來脫粟下蒸茄池中荅鴨知君意怕
惱比隣也不詳所居分以任兵

同晦木旦中過陸冰修辛齋

微陽櫓背逐人來黃石堆墻幕細苔村市早喧園筍出板扉晝掩
海棠開此間有我真儉父古者如君豈怪魁便欲相携醉春酒階
墀新鑿漫即杯

廡下知君許賃春一瓠五石恨難容孟嘗身畔饒鷄狗水鏡胸中
只鳳龍庭隙閒拋書帶草墻頭怕對劔鉞鋒尋常風角關心處不

為陰晴問老農

題如此江山圖

如此江山圖宋末陳仲美西按序南渡后有如此江山亭在吳山宋遺民此圖以志意有紫芝
悲亡國不知所止之異矣亭今無考而西傳知詩者無論宋元
混作廢興之感至今又題焉悲后人之齊視並論也歌以述之

生題此圖初元人張光弼呈與客登山亭悲歌于道士史玄中家得此卷題之始有序有詩其

其為宋之南渡耶如此江山真可恥其為岷山以後耶如此江山

不忍視吾不知作亭之人與命名之旨但聞面會稽之山俯錢塘

之湫慶忌之墓枕其背伍員之祠拊其趾宋之大內寔其腹中間

髣髴有遺址此江此山路最熟按圖索之了不似想隔承平三五百

年此意感人不復起江山舉目興會殊反嫌此名無所指因共去

之事不傳草蔓烟荒同廢時而農何處得此圖画圖者誰陳仲美

題名者誰紫芝生其人不幸當元紀不知畫亭與作亭心同不同
未可擬今看亭前引騎從不類跛鼈駟夾豕黃蓋欄邊鹵簿隨定
有大官鼓吹携歌妓又看亭中餽飮羅盃盤列坐三人二人侍指
點若云風景佳豈有新亭泣向西風颺又看亭外環村莊稻堆十
丈籬邊峙酒旗斜挿釣艇橫太平百年庶幾有此事以是鈎索函
者義全無心肝直戲詭細看其中飲者皆黃冠髮髮上生皆道士
領方袖濶容甚都何不蓋頭赤笠子吾今始悟作圖意痛哭流涕
有若是當時遺老今遺民自非草服非金紫如此江山偏太平越
畫繁華越愁悵不見鄭億記私書只好鐵匣置井底又不見梁棟

爰做詩庚寅受禍依其弟以今視管猶今吞穀不用枚啣嘴盡
將臯雨西臺淚研入丹青提筆泚所以有畫無詩文詩文畫此四
字裏忽有詩文出山巔洪文戊午張昱始序彷彿亭繫七言九青
五韻和滿紙序言王基霸業荒東西南北人飄徙詩言無限英雄
恨付與江湖醉後耳其後和者皆下中感慨都為原倡使潛溪紙
尾承收韻中得一聯吾乃喜後來文物未凋零肯度衣冠落寞死
面此語差足強人意咄哉豈恨爾何理人生淚落須有情為宋為
元請所倚為宋則迂元則西者何居俱可已較之作亭畫亭心不
啻去而九萬里嘗謂生逢洪武初如瞽矇忽跛可履山川開霽故

壁完登臨何處不狂喜
怙終無過楊維禎戴良王逢都不任悲歌
亦學宋遺民螂蛆甘帶鼠嗜屎劉基從龍亦不惡
幸脫旃裘近簪珥胡為犂眉覆瓿詩亡國之痛不絕齒
此曹豈云不讀書直是未明大義耳興亡節義不可磨
說起一部十七史十七史後天地翻只此一番不與亡國比
故當洪武年間觀此圖但須舉酒追賀畫圖氏不特元亡不足悲
宋亡之恨亦雪矣因慨此亭國初猶好在
不審何年致崩圯其時登者苦無情我輩情深亭已毀
古人如此尚江山今日江山更如此安得復起作亭人
南宋興亡詳所以更問元時畫圖者所見所聞試相語擬并告國初題畫客
今君所恨

何如彼人不可復生亭不可復庀拜乞麗晨為我破墨重作圖
收拾殘山與剝水

餘姚陸汝和至得太冲詩札依韵寄懷

陸子帶書來航船行近夜科頭莽將迎正課童除架挑口開封函
餘光就簷鐫讀訖魂黯然周旋記仲夏放誕笑尻高苛政覆杯箏
懶惰荷鞭影如趕牛拖壩皮駁脊骨瘡萬速猶未教怪接西園信
蠶蠶遽棄北郭舍送別還入室書帙紛委藉舉手一整頓不覺淚雙
下東西南北流置水平地瀉何圖三令弟八月溘然化撫今類嘗
藥思昔等食蔗昨夜夢見君瘦過鴛鴦爰披帷急起坐牕櫺月斜

射顏色疑或真哀痛理當謝

次前韵寄懷晦木

驛南別一朝閣上語三夜最恨箬篷舩柔櫓當舫架相思比日車
晝夜轉無罅豈謂經半載過秋不但夏餽餅廢堆盤醇醪罷洗筆
年：為友用三江歷九壩每云經此途如罪流不赦母老令弟喪
今寧即離舍道路有高五駝蛩昔倚藉渠今復南上君豈南能比
下念此令人痛淚近擔溜瀉又聞抱微疴應坐愁不化人生老頭
甜或同酸倒嗽蔗莫添洪爐炭肝肺怕薰炙飢凍過毒矢日：當
心射家翁做不堪痴聾術可謝

又

研墨作君書踟躕過半夜踟躕欲何為窺盜復視架想君卧破屋
燈火穿壁罅豈無木棉衣未冬先典夏但用江西窰莫求哥定掌
但搭日行舩莫怕長安壩薑桂性不移物理漸輕赦曾約石榴紅
襪被到寒舍忽：籬豆黃梧桐葉相藉吾亦苦疔鬼中虛變暴下
至今兩類宍時：復洞瀉內傷脾胃病飲食頗難化五心一煩熟
便憶冰與蔗引領黃昏湯來起此燔炙泥水絕高名讀書魚獵射
從來霜雪姿不向北風謝

旦中歸途寄詩畝別次韵寄畝

何事划舡火樣忙，秋、蕩雀欲焚堂。臨平山背塘樓路寸，峰頭挂客腸。

相訂南陽合住來，斜溝捉漏壁添灰。愁君若欲思烏石，金粟冬青繞屋裁。昂岩多奇

無須惜別重殷，自是形神兩不分。月射篷窗應照見，若無顏色也由君。

孟舉以詩贈山繭，紉次韻答之

殊難撐住過凶年，遑問寒無坐客。擅贈紉更煩賢母授，孟舉致其母夫人意歲此朝時物特見惠解錢休問典家捐。香含椒氣真山覩，斑斕棋花勝土綿。照眼光華

驚隱伴等閒，怕上釣徒舟。中聯一作贈紉解衣君每厚典裘活酒我舟時捐香含椒氣真山覩色映棋花勝土綿

絳幘威儀非昔年，江南徧地著韋韞。破衣父老苗連改，舊樣兒童力疾捐。閉戶獨裁方護領，舉杯且算裡牽綿。俗以寒無衣而飲酒曰裡牽綿從今弄筆顛

狂便斗室爭雄書，画舫

送黃九烟移寓海寧

童穉喜畫字長好，古文辭恨彼不見我。自謂或過之，羅忠投塵鞅。燕穢竟不治塗抹，隨時妝汙下難吾欺。去年偶見君，嘆賞絕等夷。長歌關往返，強韻爭安危。君云此種詩千載，又一奇。我不師古人，古人每見此人言如某。令我心不怡，規、摹、形、聲、誰得肉與皮。

漢魏及盛唐名高寔益卑期君遙切琢此事頗支持

其二

性生不能飲對君盡一斗吾量更變易其故豈坐酒今日共斟酌
忽如枚在口固知別離難先令腸胃朽海寧散利場其俗釀白醪
小飲不作詩寓居那可以倘思一快意掉頭疾西走吾亦思放懷
焚香却塵友願共傾瓦盃賞雪補重九

今年九月雅集民部不與

次韻答太冲見寄

水澗難填山不移猶思採藥訪安期并無破屋愁歲錄只有寒花
笑乞詩鹵莽密塗刀上飴荒唐米浙劍頭炊知交砥礪還堅忍瀟

洒黎州獨好奇

旦中賣藥吁可怪晦木教書又一奇

晦木書來欲蒙教館書

後世喜傳高士跡吾徒

隱痛壯夫為乾坤定向人材轉文字豈隨年代卑誰向高峯深海
過天風不斷紫濤吹

偶檢閱旦中近書志感即用旦中韻

篋中亂紙盡教焚珍重函看只數君重讀兄書猶咄咄徒存吾意
欲云詩非好做因無寐夢不長來只半醺捲了還開如夜話渾
忘卧處却三分

堂中焚雀豈知焚四壁蕭然護細君未免怨尤公尚爾已判窮餓

我何同云話多詞少休嫌淡酒薄愁濃不作醺此夜挑燈三起坐
天心牢落一江分

歲除雜詩

常說年難過今年分外難市門添藥帳佃戶減租單債到冬逾急

愁因多反寬恐傷良友意不忍道飢寒孟觀自整濟子困急甚至

小時懷歎節屈指算寒天老怕逢除夕窮思罷過年兒號買花鼓

婦促贖芳鈿我看渾閒事深愁復可憐

送竈朝真闕凭君奏至尊當日祀曰送灶上天奏人家一年善惡言臣不奉詔勸帝且停罇

終當惜 豈足存明年知報可伏候降朱幡

掃塵迎玉帝比戶聖躬勞果爾親織細懸知長桀鰲當日掃塵玉帝以五日遊行人家是日春佛齋

芋羹調臘粥芥汁印年糕婦子精誠在皇天鑒汝曹

壯歲悠々度殘年得々來未聞天意轉又見歲星迴鷄豕魂投俎

金錢骨作灰九州多此象細物豈須哀

鷄強知天曙人偏記歲除安能俱混沌不復見盈虛慘淡明州信

荒涼剝曲書平時憂迫索此際更何如太平晦木甲如書道近甚困

荒歲盜無粟人都慶糴平々還須價值荒豈免科征貴賤知何益

凶豐望亦輕黃金如可作四海奏文成

平生無惡緒惡緒忽斯時剝琢殺先厲支梧語益卑脾猶前太歲

門是舊鍾馗節到如何辦麻鞋笑爾痴

浩：市聲合荒：窓影斜閒者忙可羨窮笑醜難遮節盒因醫受

春盤倚欠賒比鄰簫鼓鬧勸酒上花俗謂鬼神戴柳因服親朋酌酒功之上柳名花柳願

節序尋常過愁煎此獨頻不知誰氏臘別作一家春醫廢終年學

書堆滿屋貧生慚皇甫謐猶得讀經旬

送別陳執齋先生時屬長公完婚東歸托云公車北上

七年頻送脂車轄恠我魯無祝望詞此別舉杯真拜賀明春剪燭

話離思續刊文集為官橐初印詩鈔是土宜北轍南轅成底事時

人原不要渠知

送陳紫綺東歸寄柳津有上

師友淵源一室傳羨君才艷出天然新詩漸脫松江社宿習還參

臨濟禪雪裏鈔書愁墮指醉餘留客戰空拳計歸正值臘醅熟弟

勸兄酬過舊年

甲辰一日

書法先王後有正於今何處問春茗糞廿年不檢戊申曆一日剛

占甲子經晷為甲子髮更添裁霜片白草仍舊發燒痕青雲龍闕野猶論

識敢怪痴兒暗裡聽

歷城黃霧曉初開子姪分班賀節來受拜漸多行輩少稱呼驟老

張張集

汝曹催桃花紅白隔年飯歲朝不炊煮用除夕飯名柏葉清濃十月醅十月白酒可
惜耗磨閒歲月圍爐倚醉撥殘灰隔年飯雜用紅白香桃花

新歲禱詩

夜來愁促迫晨起笑將迎那有星霜隔徒令面目更爆稀知歲儉
門闌為天晴歡喜無多日漕軍又派征

兩點花腔急雷轟竹爆幽曾為當日樂并作此時愁經紀窮方學
鋒鋌老漸收自非飛李徑太歲敢來遊
敬展先人像珠傾兩眼酸女奴論相貌童穉詫衣冠直為書年異
翻令讀祝難子孫餘九死猶是祖遺安

俗禮村婆設田占塾老聞懶便除地禁元日及三日貧省供天文供天有柏枝葱

禱俎魚盈寸鉤挑齋作斤辛盤同一飽珍饌復何分例禁掃除

買痴差得計賣困豈良方倘廢一春睡難禁終日狂彭亨撐肚酒

繚戾膠牙糖且逐兒童隊沿門致語忙

汎掃南陽舍窻櫺帶屋斜柔條除蠘子竹箔照蠶花路要重開闢

籬休小補遞從來薄生產此意豈為家

待太冲晦木旦中不至示萬貞一黃廬遠

昨得明州信初二到姚江姚江書亦云四日定同行明州不足信
所恃者兩黃依書數日程理我壞脚牀病姬辦鮭菜長鬚春粬糠

筭其至會稽信宿劉氏堂初七過西興八日度錢塘鼓峯為從子
定當少留杭更須寬一日應人求藥方迫促有二公不然殊未央
多則計十日必至無他防再十二三忽二日月望貞一怪失約
搖頭舌本強庶遠情無緒揆及長安塘家人顧我笑底事今改常
出門復入門身如旋蟻忙貞一語庶遠此事非所量我謂老懶髯
便欲老是鄉况死勸駕友子李無人助裏糧坐使西園老領領一尺
長貞一云不然初一已束裝此時那得留想住龍華房杭天長寺中庶遠
云兩父雖訂同四明四明即未來兩父先擔囊胡為尚趨趨慮有
他事妨或猜兒女病天行多痘瘡反留鼓峰住直候乾膿漿不則

髯自病行及西園僵須待其自復豈有人參湯或醫遇素封得直
可分嘗或赴友生急義不顧奇殃除此數事者雖留何用双疑多
不能決畫字筭偏旁再三讀不告文辭益難詳安得垂天翅挿我
兩腋翔視爾在何許挾爾歸東莊

喜高虞尊事解過話

兩載羈囚出土扉一朝執手淚沾衣直疑魂向天邊返豈止身從
塞外歸著作盆工心血在形骸不改鬢毛非楚田羅網何須密黃
雀今知斂翼飛

岩傾幽桂鳳巢崩魚服橫波龍挂冒幾擬哭君江畔石豈期對我
張張集

榻前燈飽看死法莫須有群怪生還得未曾多少才人無脊骨此
中錯鑄放奉僧

追尋往事一愴然臨水登山柱十年眼底墨花開望處虞尊病頂中

雪片落愁邊治經土室門生記得句園墻獄吏傳患難風流原不

減琅當當爭笑老痴顛獄中集禮經作詩甚多

歸來破屋滿生春無食無衣也不貧舉世死為青塚骨輸君生入玉

關人歲書散失沿門乞有暮書疏家具無多聚族輪白酒莫辭酒入手皇

天面取不背身

送別高虞尊即寄太冲復仲晦木旦中

六日八日兩日雪力行堂前積一尺幾時飛入窓眼來堂上有客

頭併白細看髮：非雪光一絲兩絲縹愁腸堂下白痕漸消縮堂

上白痕正漸長起告我悲欲引去願君少留歸無處此間鬻拂作

築愁城聚斂愁民做一處黃家兄弟愁最多去年相約今年過安

知此時風雪中不渡百官渡曹娥君家髯叔悲裡生年：賣藥非

其情計無復之渠必出况有萬子相從行萬子年少未解愁黃家

唱罷高家咻如今愁思亦不少眼如蒼鷹臨清秋此來定向竹橋

過竹橋黃氏居并拉竹橋愁兩個北関同喚阿孃舡不肯長安日航坐杼山

老愁寄信迴雨農買棹直掠南湖來九：八十一里塘落日未盡城

門開群愁畢集真快事挑燈三夜無一至南愁杳北愁孤送君
踏雪還西湖天上定怕愁城漲勢將寄愁到天上故令我輩暫違
離山圍水繞不相放不知愁本天所為天以賜臣不辭請納群
愁改娛樂愁民罷散愁城隨天還怯惜不忍遣且看堂望雪等伴
哭黃坤五

此搃非吾土死閩猶死吳來叔浙江骨去慰秣陵孤
先生閩人流寓白門病甚奉
彼枕在此也扶櫬兒號甚登堂客慟無所知應滿道肯為束生芻
白木棺三寸先朝侍從臣傳經留獄久崇禎間同黃名進講展書頻訃報
新年齒今年改七銘題舊出身靈車閩稅重愁絕向通津
齋先生詔獄

廿六日大雪吳孟舉自牧携酒酌高虞尊于力行堂用東坡

遙知清虛堂裏雪正似簷蔔林中花為韵分得林花字
前歲寒凝簷蔔林十分酒滿也愁侵今年凍合娑羅閣一尺花飄
不厭深天上生成五六辨人間飛舞億千心遙知老友空山裏獨
畫爐灰出苦音孟冬与晦未復仲夏中貞一候虞尊于省中寓祖寺僧寮值大雪時在憂愁殊之清興
持尊呼酒豈吾家天作穹廬四面斜徧地孤臣青海食漫空癡怨
女墨山花愁來繚繞魂先碎醉後迷離眼更遮安得當心逢日出
相携銀闕看朝霞

東坡洗兒詩牧齋作轉語和韻皆機言也回作正解和之

養兒須令極聰明
姦黠痴頑誤後生
總是聰明都未透
沾：止為
一公卿

九日書懷

九日常年話一樽
今年覆箬卧支門
亭隅獨下西臺淚
島畔誰招東郭魂
無復鶴猿依正統
猶憑蚊虻記華元
腐儒自有傷心處
不共賓僚說舊恩

送晦木歸餘姚

今年五月

非因生日避歸山
要向堂前拜母還
窮過神仙休舉似
老惟嗜好不能刪
舩衝斷岸牛開路
江入連峰路轉灣
晚節豈堪長度此
南

村早計共安閑

遷耕瑤亭與改齋同坐次改齋韻

送歸老友指荒蹊
又慰孤清與共栖
畫得蘭根無好土
拔來蓮葉出淤泥
方言習熟教相易
讀性生成課不齊
簡點欲從纖細起
改齋新號換詩題

簡孟舉乞炭

豆蕪麥桿無堅質
松片桑條只薄桴
敢望獅頭爭刻劃
但求鷄骨耐枝梧
白花細沸穿心甌
黃熟潛蒸索耳爐
夜起談經愁火絕
不知君肯續薪無

喜高辰四至遂送之闕

願見辰翁歲七更今朝得面眼尤明意中形貌翻驚瘦語次寒溫
始覺生太白雪蘭曾乞種桐齋燈火許分檠舊有寄乞雪蘭詩論交屈指
人難得傾倒無端一愴情四學聖郭摘齋字

慣從今弟讀家書笑煞相期出每虛豈謂衝炎乘舴艋翻然迂道
到菰蘆來何遽去君情厚見不如聞我學踈失脚下磯今欲返舩
過為報富春魚

連宵坐月倚庭梧影盡三人也不孤但有遠懷難任此深慚枉駕
却因吾露寒江浦收蓮子日滿山城賣荔奴南宋風流都在彼輕

舟拾得寄看無

耦耕詩

只有南陽好耦耕休持妄想與天爭古人不死吾猶在秋氣無情
物亦生募乞買山真戲語零丁誓墓即求名身將隱矣文焉用不
得其平也莫鳴

誰教失脚下漁磯心跡年々處々違雅集團中衣帽改黨人碑裡
姓名非苟全始信談何易餓死今知事最微醒便行吟埋亦可無
慚尺布裏頭歸

頻呼苦喚耦耕來剡曲明州首不回各有好山思便住竟無長策

老相催八年倦客違心做九日寒花滿意開酌酒南村須早計莫
教頭白望江梳

總說尋資去耦耕定知不是耦耕人艸堂圖樣刪來小口料花名
省便均竹運橫斜綠苟且槿籬破漏為因循與家撰疊閒家當一
把鋤頭六尺身

石鏡銅鑪未可留澈湖雲岫費尋搜生來不帶看山眼老去猶支
打屋頭好友一時團汐社俗人隨地畫鴻溝陋哉笑問仲長統樂
志如何田宅求

名姪清流異代尊近聞隱跡在朱門織簾賣屨終南徑屬稿呈詩

秋壑園用里廬存芝鍊骨端明孤山長往鶴消魂聞魏美信可憐傳記人誰

託歇熟田塍子細論

自古穠華少聖賢從茲困阮任皇天甜桃肯颺山梨醋菱角難磨
芡寔圓照影乍驚非故我看花覺好是今年一秋雨漲茅塘發力

盡柔篙逆水船

南陽莊屋廿間多兩箇魚池一種荷臨水軒窓供老友遮橋桃柳
引村婆青桑出子蟲鋪蟻紫竹開花雀幕窠百事荒蕪須振刷破
奚便了奈愁何

新釘尖頭小統棚晴天除脫雨天裝繫門鄰借撐農具出港人從

寫藥方諸子盡能划短槳而醫時共坐中艙吳歌歎乃風流甚見
客無言更覺狂

花飛園溷墮無聲帶水拖泥過半生敢道痴兒不了事笑它解后
幾成名纏頭一擲曾孤注赤脚今朝始耦耕最是撩人情思惡殘
陽偏傷小窻明

同德冰即太冲晦木孟舉自牧官村省菊

籬下叢綠玉堆幾行早艷滿盆開名花不肯爭先發佳客還教
傍後來時重九後未霜降故佳種未開偶得好天容易錯稀逢異種極難栽人生良友真
如此一日須看一百回

同德冰晦木孟舉自牧謁 輔潛菴先生墓

道喪五百年淺艸掩真儒學子不知處路人亦忘呼齋沐約尋謁
有友五六俱積雨道村路真逕成縈迂斷港與絕流往々迷通渠
改卜至再三天廓始清虛溪毛猶結樹積水生針魚宰木老剝腹
白日眠妖狐馮鬣四五封遺蛻竟為居藉艸成拜跪所向猶模糊
村竈乞殘烟辦香明柳腴不愁傳火盡所愁墊燒殊掃葉索遺跡
仆碣點畫無馭蝕豈至此殆是陰碑欣當在晦翁門庶幾曾閱徒
密網排偽禁山堂傳工夫俗學殺利塲立脚如龜趺集註承及童
問經說存師謨語錄尊所聞考亭手定書鶴山得授讀刊本今及
張張集

吾自擬廁其門豈足供糞除末學日崩潰夫流細分塗嗣法于告
子而陽附子輿一花開新建攻鏃及子朱誰非含乳兒出門定彎
弧藐哉舊書院臺艸十丈蕪安得起斯人補笠追逃猪

菜市橋小庵送別晦木旦中

頻年送別此橋庵中擔板頭陀也笑儂惡夢夜長難得過好人咒
發幾曾逢竹箒飢鼠偷殘焰佛屋驚鳥起報鐘豈謂破閒酬句法
怕看行思太征公

勸移家具過江東白髮垂堂句計未工石壩三更車斷夢篷船二
月絳春風長年津吏看成舊釋子嬌鬟語乍通記得耦耕詩韻在

山窓吟影落燈紅

與袁生翰英

俗學西陵聲利場山塵湖絮總顛狂舉頭天外驚吾子撐脚人間
愧老儉讀盡書非高第事講成醫豈救貧方虛窓篝火難藏覆它
日拈來味更長

送德冰東歸

終年相對只如斯又見江沙候渡遲書板衣囊經世法菴鐘廟鼓
講堂規鷄栖促縮齏霜夜天老痴呆炒雪時來往蓬窓成熟識荒
山消息幾人知

白葦黃茅路盡頭，顏深山尋取，鑷頭開欲招。天下離魂客，肯抱人間不哭孩。俗字抄書從省筆。自善聊近字抄書云省去夫半奇文割本棄餘材，莫驚殘稿遭鞋底。後世相知誰定來。今年為予刪舊稿一集

宿菜市橋小菴寄晦木旦中

重到前番送別處，又倫佛火語霜寒。一時好友東歸盡，二月空樓怕上看。經過風濤迴想惡，未來草稿做成難。吳中競說南陽事，不道吾曹眼正酸。別後狂風蹴地浮，不知此日渡江不。人來月半無書寄，路盡天南有夢遊。雪後工夫看硬脊，花間句子出尖頭。刪成寶研原無幾，忍

凍摩浮苦未休

送管襄指

荒園舉手別何心，亭子風窻憶苦吟。乾菜長齋傳大學，瓦盆半醉畫觀音。老僧留守西溪歲，妻子團欒梅壽林。隨隊渡江休亦得，酒旗禪鼓記相尋。

歸舟

恥齋富有明山友，忽地冬還半箇無。看盡布囊裝竹轎，獨搖艇子落西湖。無聲雪煉消寒句，淡墨天鈎擘別圖。一片荒涼誰共領，好箇書札待潛夫。

張張集

舟過臯亭雪正深計程也好到山陰
寒花點浪遙同看舊路迴舟
細獨尋燭影消磨開眼夢櫓聲吹合
斷腸吟歸來索話人難得只
合洲錢解此心

陽江同是還鄉棹此際胸脯各樣心
久客望家嫌路遠空軒懷友
願歸遲一罈煮刺安平水幾卷同尋
北宋詩且把磁甌繙閱盡儼
如分較選鈔時

集飲自牧齋分韻得渠字

從來縱飲因良友酒戶雖高定勝渠
此興怕逢生客敗所言定與
俗情踈童知量窄還斟淺婢笑饕餮
不望餘底苦更闌猶秉燭明

朝罰例過巢居

重過內家問范隣音疾

烏羝花落滿塘飛撲地湯天點客衣
望裏荒田耕未遍意中熟迳
到全非頑苔入座厚三寸野爵穿塔長
一圍十五六年春夢過不堪東壁對殘暉

驟雨翻盆細雨絲陰晴天氣做梅時
村經亂後年々異家到貧來
事々痴蛛網塵生人病以蕪窩
泥落客來遲閒愁觸處難消得屋
角啼聲類子規

過范玉賓兄弟話舊

漲發茅塘水勢渾，輕舟直抵一作繫舊籬門。畫梁乳燕群生子，花檻叢
篁老有孫留聽。十年前雨滴起挑三鼓，後燈昏可憐童子頭。支壁
底事先生徹夜論。
話舊先尋兇戲處，相看不記老成時。亂兵過剩烏皮几，墊犬來窺
鹿眼籬。掛破錢塘暮宋畫，繡殘北地選唐詩。知君興味還如昔，剪
燭行盃百不辭。

何求老人詩稿夢覺集

喜祝生潛過

兩年愧子意何誠，百里泥塗足覩生。宿火焰灰梅閣雨，去春冒雨來余以蓬事入鄉不值一宿梅閣去
清泉鼓浪研堂鐺。無論小道皆師古，不貴多言願力行。此是寒門
真淡薄，可堪消得瓣香情。

即事

僮無神色婢倉皇，底事懸愁到孟光。旣要不全行，莫逆願筭如當
易。死何妨，十年多為汝曹誤。今日方容老子狂，便荷長鐮出東郭。
豆花新紫菜花黃。

夢覺集

次韵答陳子執先生見贈

翻洗麻鞋上舊磯傳經誰使此心違
簷頭雨點聽今異籬角花開見昨非
甚荷周旋成解脫不教慚憾剩幾微
古來好事何當比馱得紅顏大漠歸

次韵畚孟舉見寄

莫怪旁人笑欲狂而今儘更有商量
肩來老子擔頭重惹起詩人韻脚香
便得生還毛已落從教餓死被須方
到家痛定纔思痛苦辣酸甜逐樣嘗

次韵答從壻鍾静遠

身是春江亂石磯風波砥盡勢相違
縱橫妙手千年誤簡點從頭萬事非
記得名園燈照失重來古路艸痕微
余意定于耕種亭中可憐杜宇殷勤意曾喚遊魂幾箇歸

登臨平山同晦木

露脊牛眠肋旋窠東南斜對海門沙
此中得架三間屋何處難安八口家
一路多情鳥咽水滿山無賴鬧楊花
許時正怕思量着望遠登高便有加

得山陰祁氏澹生堂藏書三千餘本示大火

阿翁銘識墨猶新大擔論經舫換直銀
說與痴兒休笑倒難尋幾

世好書人

宣綾包角歲經箋不抵當時裝釘錢豈是父書渠不惜只緣參透

遠磨禪

祁氏泰
曹洞宗

後耦耕詩

不費黃金與白銀沿家拾得耦耕身箭瘢入骨陰還痛舌血濺衣
洗更新到處有情殘藥裏別來無恙舊頭巾梅花繞屋籬抽笋只
此其家也不貧

雨沒犁尖草更深無人共荷土花侵吾生鑄錯幾州錢世上銷柔
百煉金曉白天河星盡墮秋黃籬落果難尋凭檐轉死誰憐汝辜

負提壺布穀心

笑山舊院落天荒路入梧桐尚有鄉坐破膝痕看踐履夫考瀾翻舌

本見靈光嬾深衣社裏行家禮邨學堂中祀紫陽黃菊白蓮秋意

好怕教絕入木犀香

枳芑繩縛澁生苔曾許洲錢二妙來洗我瘦腸傾汝酒帶君飽眼

看吾梅故交疎索尤相惜舊學孤危轉自哀白石肯從修竹老玉

山終傍鐵崖開

剡溪字說甬東醫橫發前人未發枝腹貯好書無處寫老多奇句

只輸飢烟蒸邨屋支缸竈雨送湖舩濕布旗若肯隨緣小休鑽頭

夢覺集

三

鏡柄亦吾師歌

未曾識面好同群
楚尾吳頭落夢殷
凍瀑禪燈挑杜律
茅齋麩餅咽歐文
法昭遊魂終恐埋荒嶂
餓氣猶能吐怪雲
欲寄蘓臺窮長老
閒看餅錫報知聞
靈岩僧供養昭法近行脚楚中

雙瀑堂中老住持
三峰位下蚤疑渠
得來妙法無多子
看盡人間搃不如
青火竹窓騰副本
白頭蘭幕出新書
何如分據枯桑坐
掃地攤經帶月鋤

土塹埭鷄樹圈猪
莊家偷學好規模
穉兒笑挂尹謳軸
病婦愁提困蠹壺
已榜數行辭藥友
勿思兩事走獠奴
一求戶部雕肝句
九烟

一乞杼山沒骨圖雨農

田忙時節伴功勤
近地招呼遠地聞
徑約懸鵲窮處士
轉邀射席故將軍
正維車頭歇午評吟社
棚下乘涼策酒勳
主管農工須印記
兼

山趣與刺朱文

潇洒風光瀉瓦盆
淨嶸事業折秧門
古人誰放一頭地
老子自牢雙脚根
月港吳歌相贈會
風簾蕪語與温存
便無真耦也歸去
頂笠腰鎌占晚村

哭慧兒

幾點五更雨
嬌兒眼失光
神醫門外過
怪鳥屋頭藏
灰漆棺身小

油燈榻影長一呼一返視此痛更剝腸

指口未能語頻啼宛轉驚不知何苦甚益覺可憐生津渴翻求藥

魂離始廢繁淒涼驚夜夢眉目更分明

天上長星沒人間奇骨生因緣大事出授記不祥名帝怒翻追促

巫招敢抗行不容洒掃役意豈在挽槍

兇具莊嚴相衰年望元宗無論心孔異已見手容恭天暮顏淵壽

殤援汪騎封人言吾欠達此達大難從

醉盤還兩月蚤計為拏周放樣裁花襖渾身繡玉蚪三盞湯餅米

短水會親笏屏棄休重見晴枯少淚流

最是傷心處荒村小影孤杯由殘藥計帽刺舊飛符鬼隊誰捉抱

妖巷舊笑娛石橋東畔路寸寸斷腸塗

贈巢端明

十年永歷岩松老九日寒催野菊香天下幾家忘主客此身今日繫

存正荒臺偶語桐烏發小院深更燭跋藏手自斷壺成飲器携來

引滿語南陽

問燕

丁未

從來期汝二月天杏花雨點楊花烟朝窓夕窓相對語不與俗物

相周旋哺食啣花同護惜點茵汗冒恣狼藉寒塘無伴老影孤滿

夢覺集

眼春風慰蕭寂何圖今歲得雕梁翻然一飽成飛颺老巢當位占
高棟群雛分戶泥生香汝居得所我亦喜何事不復相遇語呢喃
聞汝向雕梁祝盡窮檐不堪處寄聲留取當時面黃姑織女猶相
見雕梁住久過窮檐尚有突樂窠一片我聞人苦不知足天下雕
梁難更僕明年莫更遶天飛又咒華堂當茅屋

燕窩

年：草長來江南年：草滅去海門問公此豈孟浪人亦有門戶
有子孫疇昔置我虛齋裡茶烟香縷清如水敢道周旋何日忘願
我所思豈在是投林擇深木擇榮安能鬱：久居此况君避世益

荒寒庭院無多簾箔單瘦圃無花啣不得破巢欲補愁泥乾昨夜
侯家歌吹發先放雙飛入珠幕貴人頭上坐聽看羨殺籠鸚與屏
雀老來愛雛更愛身常恐失足尋常人新巢喜得依王謝千門萬
戶終不貧自古惡賓勝舊友世情如是君知臣否但願故人辦得
侯家官與屋依舊呼雛梁上宿

管襄指示近作有夢伯夷求太公書薦子仕周詩戲和之
頓首復頓首尻高肩壓肘俯問此何人墨胎孤竹後疇管依周門
盤旋襍賓友飛沉一朝異祿相固難偶明夷有網宗密室別傳受
公當嗣大法細子能札授飢腸枯輪困襍學飽釘鉅韜符及丹書

不足願續狗所以致區區。知深語不忸首陽門戶哀風颺孽敗柳
非假旄鉞威生徒難煽誘舐乳有犍犢卧起跳婁數粗能讀父書
經紀尤即瀏念其毛羽單不欲令如某倘徼食周粟竊附牛馬走
有弟老叔齊不能和協守比使謁公旦四方餽其口附書乞關節
未知得報否公誠發一矢蛟龍化科蚪近聞微與箕聯翩起耆舊
因緣脩頽問此生真不朽何以酬深恩錦綉小兒手新製蕨薇歌
織喉忘老醜筠籃進一曲殿下千萬壽太公笑領之引去不甚久
琅琅琢木驚西窓紅射西此夢真大奇古無今詎有且遣筆記之
與君笑下酒

得黃九烟書并示瀟湘近詩

不見黃公又四年短書入手淚雙懸
近來客路差強否到處人情大抵然
愁思結成湘水夢歌詞散落瀟湖舡
何當倚棹春風便爛醉桑畦麥壠邊
世間少見偏多怪。我蛩喜駘驢自是汝曹難
合耳何關此左不情歟商安一字常
經月關飲千鍾只品蔬茲事留傳成舊話
可知吾已久離居

遊東塢寺

為失花期後衝泥踏屐危
趨教殘雪在證向老梅知
堊塔入池倒

陰鐘出寺遲僧孫差解事由得佛銜枝

古墓犁為寺豐碑疊作壇僧煨墻角火鶴立殿心寒遠樹排窻入
名圍繞塔安誰能分一半老我壓蒲團

登真如塔

難尋平地盪胸雲試上岩崑借夕曛洞磴盤旋人不見欄杆笑語
遠偏聞春從浦草青邊長水到湖樓綠處分乍暝僧房梅氣發四
方八面水沉薰

遊鶴洲

繞盡南湖南畔路柴扉扉細結槿籬精揀成披脚樹爭出簇起磬

頭石怒生苔徑曲來深竹勢板橋壞處淡荷情旁人怪問何緣入
多少金錢不放行
主人稀到真成俗熟客爭遊假作狂經過禽魚知禁忌偷來風月
代平章行穿石谷方知瘦身出蒼園始覺香安得東寮分半榻隨
僧洗鉢弄湖光

坐鶴洲梅花下

梅花未落香滿頭
梅花落盡香滿足
我遊正值五分時
渾身裏向
襟衣腹鼻孔撩天心
孔開花香直入肝脾
來中邊沁透皮骨
換不知為我為老梅
却愁狼藉成蕭索
足下香濃頭上薄
不如生足鶴

洲嶺上泥長與梅花墓魂魄

重過鶴洲

日輪繞碾雲頭破又到朱園掃石苔
今次圓成前次句十分落過
七分梅漁家艇向窻間出
估客帆從地上來我懶欲眠休
促迫籬門徑鎖不須開
園丁已怪經過教老子猶言坐臥稀
只合汝為梅擇偶何妨我當
鶴來歸是鄉足老林和靖後世難尋
丁令威却恨俗情渾不領湖
烟深閉玉妃圍

次韵酬古燈

粥飯叢林度歲時誰教死認五燈支
但存傭保髡鉗意肯作人天
鼓笛思句裡絕無蔬筍句氣胸中知
是雪冰姿滴殘檐溜研煤和
細撥油檠落炮遲

壽管襄指六十

鷄黍情親過十年一筇今喜拄拄華顛
論心不染姚江學得句如
參曹洞禪每以字招好事酒肯將文乞
買山錢南中耆舊如君少
苗取霜桐百尺弦

次韵答黃九烟

洪濤羅漢旋渦佛太息何能出水中
斷句不教餘子和清樽為欠

故人同烏頭渴睡三更月鶴肋虛懸萬里風
吾榻未嘗分上下殘
灰冷箸畫英雄

塵土交遊一洗空
腐儒端合老村中
如君正自不多得
此意猶然未盡同
富貴神仙鷓鼠迹
嚇文章任俠馬牛風
相期更上高峰者
俯視茫茫始足雄

高旦中從吳門至海寧不見過書來尋予于嘉興

自來成約多虛語
重九中秋笑遲却
怪過門翻不入
又從歧路寄相思
幾番竹屋燈青後
一樣篷船雨黑時
好水好花三百里
就中愁殺兩醫師

土壁新泥粉研光
乳爐茶竈位相當
俗人煞妬迂翁閣
好友生嫌孺子床
秋水釀成禾耳泣
寒霜斷出菊頭香
欲將閒語偷忙說
馬上酸風笑我狂

水村秋泛

村尾相啣廟界開
貫穿一水碧滌洄
舩經柳翳根中出
人度蘆花梢上來
椽靜婦提河蟹去
溪喧翁賣蕩菱迴
此生輸與烟波老
細雨斜風未轉桅

日落江村萬點明
星々漁火望中生
只招露荻霜楓影
同聽林風岸浪生
聲不識溪花隨地活
無求水鳥一身輕
莊生不作蒙周語

河伯休教海若評

田家經濟儘堪豪
天上功名亦若勞
粉板跳魚乘月落
朱絲羅雀趁風高
須教磊落人疏雅
不許粗狂客讀騷
停却短橈閒把筆
沼溪疑殺小兒曹

斷續漁歌梢出邨
敗籬斜接側開門
蘆梢習慣傳風信
蓼節天生記水痕
露下虫啼方得意
霜寒花發亦酬恩
曠然秋氣悲何有
喚醒蕭條楚客魂

清池菴看菊晚開歸

蒼然暮色上人衣
與客尋香及細微
籬外謹教村學散
池邊弄影

寺僧歸好花且待寒
霜發老壽肯隨秋雨飛
莫訝林深容易黑
遙知天外有餘暉

舟次看武康山

霸先國破孟郊死
寂寞蓬船到武康
峯黛未消千載綠
柳絲猶帶六朝黃
英雄不出溪山靜
風雅無歸草樹荒
叫起古人杯酒在
夕陽嶺畔話興亡

古燈寄詩商募結菴次韵答之

一把乾茅萬古愁
廿年位置下場頭
邨名好處奇文記
畫境佳時粉本收
和尚難安無事甲
秀才慣笑未來籌
綠章乞此蕭閒福
要

使天知老罷休

與旦中夜話次所示姚江詩韻

滿握鑪鉗老阿師琅：幕府進彈詞弔喪乞菜為名耳尼女僧坊
一證之偽學陰私慚盡倚故人或告敢多疑自從席散親魚鳥此
意江湖未許知

又同萬公擇夜話次前韻

語無宗旨授無師孤負良朋責望詞打鳳擒龍云底事擎拳撐脚
獨何之向來意興多成悔今日遊觀始會疑豈止見遲三十里只
饒不動是先知

何論門第與宗師得見先人要有詞止矣吾今真止矣思之今君
且再思之不愁魔外誅元晦只恐兒曹笑叔疑無望必同還努力
莫教虛負舊聞知

憎虱

秋虱生陰叢嗜欲聞見少得人喜且驚傳呼不即齧客倦欲小休奈
何終夕炒瘦類忽自披蒙頭被幅絞我擠升斗血恣汝萬腹飽何
用苦啣啗惡殺不可了種類即繁多變化出奇巧或托鳥舌噴或
依木葉禰一投聲氣中山性同天造烏蛟痒痒肥肌部蕾費爬爪
花蚊嘴吻毒文彩枉自姣輕薄推水虱露筋猶囉皂最是草虱饒

劣肚逼乾菴更有蟲化生傳授轉點狡大都慕羶徒即拜蟲妣考
本亦無殊能但教長喙掉秋深喙益多一月添一秒添至八九月
業鉗大如轟幸遲霜風來汝跡將盡掃不然冬仲季膚骨幾不保
虱語公太過我來亦有道早蚊例食城內食腥汁膠使君居清幽
我蚊豈能擾晚虱例食鄉伏莽嚙枯槁使君居高華我蟲豈搜討
虱種無處無君避自欠早得意為歌吟拂意相煩惱君詩庸豈殊
何獸虱不好赤身謝秋虱改轍待天曉

送范道願之燕

戊申

傳杯會作送行詩紙筆偏驚屬思遲舊友星稀吾少矣高堂日暮

爾何之旗燈河曲排幫夜社雨淮南候閭時但記山樓梅下語明
春猶及未開枝

寄陸冰修

忽憶辛齋千里外出門容易急歸難生憎腐鼠從鷓嚇不惜明珠
向鵲彈杜宇梨花分祭近青燈白髮暮春寒懸知酒醒聞鐘起斗
柄顛：正倚闌

遊蠡山

山省石壁胭脂
洞鈎池陶朱廟

峯岫平遠水微茫曲折撩人短棹忙瓔珞結成山骨瘦胭脂流出
洞泥香寒潭老鏡啼秋雨古廟叢鴉哭夕陽一片閒愁何處着五

湖不盡淚痕長

至楊山昇元觀訪余體崖不遇

許時欲共崖公語

一榻相期嶺上眠木客解傳山信息

至溪口得邨人云已出矣

楚僧

不識路因緣

時間路于僧致誤

荒涼虎守當門石遊戲龍行別洞泉寄報萬陽

同坐友要歸絕頂是何年

九日舟中作寄高旦中

坐臥蓬船事：忘不知今早是重陽村醪有味天然淡
楚菊無名分外香大澤深山尋怪物蒼藤古木隱寒光
壁燈不解人間語安得風帆落汝旁

闔閭城外鼓連樞餘不溪前月正斜老去新知惟白髮
客中怕見是黃花書傳亂驛無常寓夢繞孤篷又一家
天氣漸寒君覺否冰霜修煉銀根芽

鍊

遊德清名園

苦竹叢深出壞籬乾荷衰柳亦相宜名園半落遊僧得
古屋將崩老蠹知秋壑湖山愁客醉平泉奇石笑人痴
一杯且與壺童語不讓賓譚伎吹時

再遊蠡山語徐方虎

山靈拍手笑重來斷壁陰湫特地開波底神龍終自合
塵間凡馬

夢覺集

畫教迴

馬迴

村名附會憑僧撰碑記荒唐費客猜消得英雄歸道院

陶朱遙對計然臺

田与方虎約尋山居同余醉唯佳靜未果計然丹臺在楊岐山

和裁之兄祝襄指六十詩

蓼傭有新嚮嶧桐持證可其所頌嶧桐一如言出我天下兀傲人
眼豈掛綺瑣清濁各異性萬古意見左秋旻橫庑影預製絕神鎖
一叫落隼翮削出芙蓉原蠅書十數本視我夏窠裸南山高隱窟
磊砢狀亦夥猷技老乞憐不覺尾帖妥豈知詩酒狂冰藏雪包裹
努力事建監寒林刺黃葉果不信廖傭詞加我印一顆

遊慈相寺

乾沙細雨不成泥春水初生試小溪得三山圍松徑漸離三人坐
石橋低陰碑出火牛磨角壞壁生香麝脫臍最是客遊難久住杜
鵲落過杜鵑啼

三遊蠡山

藤花迎笑鳥寒溫竹稚桐孫莽候門負汝修容今日意羞余殘約
逐年論畫橋倒影懸孤艇絕筆微陽冷一村山更嬌嬈我更老烟鬟
白髮兩銷魂

雨夜同大率兄一方虎素綠飲

次公中酒玉川茶狂態如初但有加鬱塞老懷難了事稀疎春盡

未開花山城一夜同聽雨竹榻三人各夢家
蹴起不知何淚落荒鷄野笑鼓連樞

遊五石菴

時有甬上遊客寓居遊况甚苦

可是詩材在北城尋詩爭向此間行
四圍山壓龕身小一點泉穿籬脚明
筍怪人來當路出苔欺僧少滿甄生
蕭然半嶺聞清響莫有蕪門第二聲

菴居意旨近如何木佛燒殘落旋渦
魚鼓無聲齋粥少禪燈失照怪風多
一慚依舊終身忍要熟湏從這裏過
珍重題詩滿新竹長稍留取埽烟蘿

四遊蠡山

一抹浮烟看不移天教幻作幾番奇
故留絕頂第三石撩取狂夫其四詩
是石又得石屋頂上石壁有溪漱甚奇
靈瀑小參康樂後愚潭初配柳州時
蠡山老大逢知己此似前人已較遲

半月泉

玉塵峯西行脚催芒鞋笑爾已三迴
青天破鏡愁相照翠袖探鈎醉裡開
補註圖經憑活火護持題句付頑苔
成公講院坡翁字不為山泉也合來

同大亭主一從烏中山至西茅山

崕石新崩側理黃土祠低嶺餞斜陽風和時有異花墮山暖不知
何物香懷古正須嚴考核好奇寧過信荒唐群峯并入蟲山誌絕
勝盧家舊草堂

連山西壁茅山北羅帶鈎連結比鄰松長髯疑蘓學士連山帶石壁名亦赤壁竹軒

身學管夫人茅山北為管山管夫人生處陰晴淺絳縹青梁向背麻皮劈斧皴擬寫一

圖歸把翫神光離合搃非真

沈方平給諫招飲

醉裏言多醒却忘旁人代舉笑成狂破除河朔麴豪飲收拾南唐
餅炙香白髮檀槽論細事春風蓴菜戀他鄉試西湖蓴松筠倘許過從

慣難閉城西給事莊

送甬上友人寄高旦中

臨溪置酒亂傳杯莊語無多雜笑諧醉後聞聲呼舊友客中送別
動歸懷莫如白髮新相好只有青山熟益佳寄語髯公應早出知
余未易到桐齋

逢君喜作江南語曾與南人習慣來社糞分泥溪上散山砮抱石
雨中開當時曾唱松陵集自古天荒退谷杯今日柴門原不閉莫
將慚色對蒿萊

五夏日卧病方牀齋中

異縣櫻桃顆許勻故園梅子已生仁此時兒女爭新果不道山城
臥病人強引茶杯存勝節監炮藥物賴情親諸公庭畔私相慶下
筆題詩尚有神

喜張佩璉過留廓如樓次韻

苦恨拋犁走四方歸來難劬草荒涼山中不是陶貞白俗下猶傳
杜季良大担子頭看崛強小車兒上試徜徉分燈較罷寒泉本萬
壑千岩夢紫陽

佩璉閱舊稿見贈次韻

露逼寒聲出敗桐哀絲急管發秋虫古人可作疑誰與吾子相知

好折衷遠付百年增話柄細論一字見家風平生僥倖君休笑此
處稱尊只麼工

過湖州有感

碧浪湖邊秋眼明十年塵夢繞江城詩情退去隨衰老山色重看
轉後生月到蘆花分界限水經石脚露音聲釣徒不管風波險分
付蒲帆自在行

櫓背輕搖雪水平舫梢忽轉弁山橫太湖陰起一城黑天日泉來
百里清日出烟消塵世事斜風細雨故人情白頭一望真愁絕何
處浮家托此身

宿何商隱萬蒼山樓同張考夫王寅旭

萬松羅拜擁孤峯，疊閣參差俯碧潭。
夢裡分明曾海外，醉中奇絕只山南。
塵揚水淺群仙記，城是人非老鶴談。
底事橫欄輕一涕，素絲垂頂髮鬢參。

余曰：夢泛舟過絕島，上有此松，樓閣巍峩，疑非人世。今登山，儼然所見，但不孤懸，松尚未古耳。

一段因緣到處生，廿年結構望中成。
月離窮島山魘舞，人語空樓野鶴驚。
湖海當前真氣象，天星會次是昇平。
重期吾友休輕擲，破筆殘絳萬古情。

同考夫商隱寅旭登雲岫

翠列青攢盡處尊，怒濤噴薄插孤根。
年々合璧無消息，夜々寒潮

入夢魂鷹上，秋風爭雁路。龍隨冷雨伏蛟門。
山僧不識人間恨，猶記圓沙舊漲痕。

至佩璫隱居次韵

書載農車菊滿庭，夜分客語壁燈青。
踈檣直射非時電，破屋深窺

失次星

是年十月大雷雷雨電殺人

垂老童心成結習，良朋苦口勝聞絳。
低頭長得隨

東野莫惜晨鐘會寸莛

同珮璫過半邏次韵

斜挂踈帆壓槭林，輕舟一點論交心。
鴈過寒水曾留影，葉落空村不起砧。
暮直溪塘生處遠，平常門徑到來深。
同遊易約狂難得，白石

清泉漫許尋



